

6 января, предпразд Рождества Христова. Прмц. Евгения Римская

6 января, предпразд Рождества Христова.

Прмц. Евгения Римская

ВЕЧЕРНЯ

По окончании 9-го часа священник произносит начальный возглас:

Благословен Бог наш всегда, ныне и присно, и во веки веков.

Чтец: Аминь. Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 103

Благослови, душе моя, Господа. Господи, Боже мой, возвеличился еси зело. Во исповедание и в велелепоту облелся еси. Одейся светом, яко ризою, простираяй небо, яко кожу. Покрываяй водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егоже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тых птицы небесныя привитают, от среды камня дадут глас. Напаяяй горы от превыспренних Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедр Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокие еленем, камень прибежище заяцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающие, восхитити и взыскати от Бога пищу себе. Возсия солнце и собращася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море ве-

6 января, предпразд Рождества Христова. Прмц. Евгения Римская

лікое и простра́нное, та́мо га́ди, їмже несть числа́, живо́тная ма́лая с вели́кими, та́мо корабли́ препла́вают, змий сей, егóже созда́л еси ру-га́тися е́му. Вся к Тебе́ ча́ют, да́ти пи́щу им во бла́го вре́мя. Да́вшу Тебе́ им соберу́т, отве́рзшу Тебе́ ру́ку вся́ческая испо́лнятся бла́гости, от-вра́щшу же Тебе́ лице́, возме́уться, отъи́меши дух их, и исче́знут, и в персть свою́ возвратя́тся. По́слеши Ду́ха Твоего́, и сози́ждутся, и обно-ви́ши лице́ земли́. Бу́ди сла́ва Господня́ во ве́ки, возвеселі́тся Господь о де́лах Свои́х, призира́яй на зе́млю, и твора́яй ю́ трясти́ся, прикаса́яйся гора́м, и дыма́тся. Воспою́ Го́сподеви в животе́ моём, пою́ Бо́гу моему́, до́ндеже есмь, да усладі́тся Е́му бесе́да моя́, аз же возвеселю́ся о Го́споде. Да исче́знут грѣшницы́ от земли́, и беззако́нницы, я́коже не бы́ти им. Благослови́, душе́ моя́, Го́спода.

Со́лнце позна́ запа́д свой. Положи́л еси́ тму, и бысть но́щь. Я́ко возве-ли́чишася дела́ Твоя́, Го́споди, вся премудростию сотвори́л еси́.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же (*трижды*).

Ектения великая

Диакон: Мíром Го́споду помóлимся.

Лик: Го́споди, помíлуй. (*на каждое прошение*)

Диакон: Пресвяту́ю, Пречістую, Преблагословенную, Сла́вную Влады́чицу на́шу Богороди́цу и Присноде́ву Мари́ю со всі́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Я́ко подобает Тебе́ вся́кая сла́ва, честь и поклонѣние, Отцу́, и Сы́ну, и Свято́му Ду́ху, ны́не и прісно, и во ве́ки веко́в.

Лик: Ами́нь.

Стихиры на «Господи, воззвах»

Канонарх: Глас 5, Го́споди, воззва́х к Тебе́, услы́ши мя.

Лик: Го́споди, воззва́х к Тебе́, услы́ши мя./ Услы́ши мя, Го́споди./ Го́споди, воззва́х к Тебе́, услы́ши мя:/ вонми́ гла́су моле́ния моего́,/ внегда́ воззва́ти ми к Тебе́.// Услы́ши мя, Го́споди.

6 января, предпразд Рождества Христова. Прмц. Евгения Римская

Да испр́авится моли́тва моя́,/ я́ко кади́ло пред Тобо́ю,/
возде́яние руку́ моёю/ жёртва ве́черняя. // Услы́ши мя,
Го́споди.

Предпразднство Рождества Христова на 3

На 6, стих: А́ще беззако́ния на́зриши, Го́споди, Го́споди, кто постои́т? /
Я́ко у Тебе́ очище́ние есть.

Но́сиши Ада́мов зрак,/ во о́бразе Бо́жии Сый
всесоверше́нный,/ и хо́щещи рука́ми держа́тися,/ руко́ю
вся содержа́й си́лою Твоёю,/ Чи́стая Всенепоро́чная
провещава́ше глаго́лющи:/ ка́ко Тя пелена́ми повию́ я́ко
Младенца́,/ ка́ко сосца́ми пита́ю Тя, вся́ческая пита́ющаго,/
ка́ко Твое́й па́че ума́ нищете́ удивлю́ся,/ ка́ко Тя Сы́на
Моего́ нареку́, Раба́ Твоя́ ны́не су́щи?/ Пою́, благословлю́
Тя, // пода́ющаго ми́ру ве́лию ми́лость.

Стих: И́мене ра́ди Твоего́ потерпéх Тя, Го́споди, потерпé душа́ моя́ в
сло́во Твое́, /

упова́ душа́ моя́ на Го́спода.

Младенца́, воплоща́ема из Нея́,/ предвече́ннаго Бо́га, Всене-
поро́чная зря́щи,/ рука́ми держа́щи, и облобыза́ющи ча́-
сто,/ и ра́дости исполня́ющися, провещава́ше Ему́:/ Бо́же
Вы́шний, Царю́ Невидимый,/ ка́ко зрю́ Тя и разуме́ти
та́инства не могу́,/ безме́рныя нищеты́ Твоея́?/ Верте́п бо
мале́йший и сей чу́ждий/ внутрь вмести́ет Тя, ро́ждшагося,/
и де́вства нерешив́ша,/ ложесна́ соблю́дшаго, я́ко пре́жде
рождества́, // и да́ющаго ве́лию ми́лость.

На 4, стих: От стра́жи у́тренния до но́щи, от стра́жи у́тренния, /

6 января, предпразд Рождества Христова. Прмц. Евгения Римская

да упова́ет Изра́иль на Го́спода.

Сия ра́бски Чістая, ужасно веща́ющи,/ услы́шаше волхво́в
пред верте́пом,/ кúпно предстоя́щих, и к ним рече́:/ Кого́
ищите вы?/ Я́ко ви́жду бо, от инода́льныхя страна́и прии-
до́сте,/ пе́рсский о́браз и мудрова́ние иму́ще./ Странен ис-
хо́д и ше́ствие сотвори́сте/ и к страна́нствовавшему свы́ше/
и страна́но в Мя Всельше́муся, я́ко весть,/ со тща́нием прии-
до́сте То́му поклоні́тися,/ да́рующему ми́ру ве́лию
ми́лость.

прмц. Евгении и с нею мчч. Прота, Иакінфа и мц. Клавдіи на 3

Глас 8: Стих: Я́ко у Го́спода ми́лость, и мно́гое у Него́ избавле́ние, /
и То́й изба́вит Изра́иля от все́х беззаконі́й его́.

Ми́ра оста́вльши красоту́,/ души́ благо́родие,/ благо́родия
свы́ше/ доброта́ми уясни́ла еси́,/ Евге́ние всехва́льная,/
о́браза благода́ть немутну жити́ем сохра́ньши,/ му́ченице
непобеди́мая,/ де́вства забра́ло Богови́дно// и цве́те
естества́ всеблагоро́днейший.

На 2, стих: Хвали́те Го́спода всі язы́цы, /
похвали́те Его́ всі лю́дие.

Сло́вом, и жити́ем, и благода́тию,/ и терпе́нием души́
укра́сившися,/ привела́ еси́ страда́лец во́инства/ и дев
собо́р от Де́вы Возсия́вшему/ и свидете́льства я́ве
Отве́рзшему всем вход,/ Евге́ние всему́драя,/ с ни́миже и
ны́не Сего́ умоли́// спасти́ ста́до твоё.

Стих: Я́ко утверди́ся ми́лость Его́ на нас, /
и и́стина Госпо́дня пребыва́ет во ве́к.

6 января, предпразд Рождества Христова. Прмц. Евгения Римская

**Правды Строитель/ ты, яко дэву чісту/ и яко славному муче-
ницу,/ сугубыми венцы благолѣпно украси,/ красен чертог
тебе даровав,/ светоявленными просвещенный,/ идеже
всѣльшися,/ вѣчноющим, невесто Христова,// ныне бла-
женством яве обогатилася еси.**

Слава и ныне, глас 2: Слава Отцу, и Сыну, и Святому Духу.

и ныне, и присно, и во веки веков. Аминь.

**Се время приближися спасения нашего,/ готовися,
вертепе, Дева приближается родити;/ Вифлееме, земле
Иудова, красуйся и веселися,/ яко из тебе возсия Господь
наш./ Услышите, горы и холмы и окрестныя страны
Иудейския,/ яко грядет Христос,/ да спасет, егоже созда,
человека,// яко Человеколюбец.**

Вечерняя песнь Сыну Божию

**Свете Тихий святія славы,/ Безсмертнаго, Отца Небеснаго,/ Святаго
Блаженнаго, Иисусе Христе./ Пришедше на запад солнца,/ видевше свет
вечерний,/ поем Отца, Сына и Святаго Духа, Бога./ Достоин еси во вся
времена/ пет быти гласы преподобными,/ Сыне Божий, живот дай,/
темже мир Тя славит.**

Диакон: Вонмем.

Священник: Мир всем.

Лик: И духови твоему.

Прокимен

В понедельник вечера, глас 4:

Диакон: Премудрость. Вонмем. Прокимен, глас 4.

Господь услышит мя, / внегда воззвати ми к Немю.

Лик: Господь услышит мя, / внегда воззвати ми к Немю.

Диакон: Боже, услыши молитву мою, внуши глаголы уст моих.

Лик: Господь услышит мя, / внегда воззвати ми к Немю.

6 января, предпразд Рождества Христова. Прмц. Евгения Римская

Диакон: Господь услышит мя,

Лик: **внегда воззвати ми к Немю.**

В понедельник вечера. Глас 4

Гос_подь услышит мя вне_гда воз_зва - ти ми к .Не_му.

Молитва при наступлении вечера

Чтец: Сподоби, Господи, в вечер сей без греха сохранитися нам. /
Благословен еси, Господи Боже отец наших, / и хвалено и прославлено
имя Твое во веки, аминь. /

Буди, Господи, милость Твоя на нас, якоже уповахом на Тя. / Благосло-
вен еси, Господи, научи мя оправданием Твоим. / Благословен еси, Вла-
дыко, вразуми мя оправданием Твоим. / Благословен еси, Святыи, про-
свети мя оправдании Твоими. /

Господи, милость Твоя во век, дел руку Твоею не презри. / Тебе подо-
бает хвала. Тебе подобает пение, / Тебе слава подобает, Отцу и Сыну и
Святому Духу, / ныне и присно и во веки веков. Аминь.

Ектения просительная

Диакон: Исполним вечернюю молитву нашу Господеви.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Лик: Господи, помилуй.

Диакон: Вечера всего совершенна, свята, мирна и безгрешна у Господа
просим.

Лик: **Подай, Господи. (на каждое прошение)**

Диакон: Пресвятую, Пречистую, Преблагословенную, Славную Владычицу
нашу Богородицу и Приснодеву Марию со всеми святыми помянувше, сами
себе и друг друга, и весь живот наш Христу Богу предадим.

Лик: Тебе, Господи.

6 января, предпразд Рождества Христова. Прмц. Евгения Римская

Священник: Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Священник: Мир всем.

Лик: И духови твоему.

Диакон: Главы наша Господеви приклоним.

Лик: Тебе, Господи.

Священник: Буди держава Царствия Твоего благословена и препрославлена, Отца, и Сына, и Святаго Духа, ныне и присно, и во веки веков.

Лик: Аминь.

Стихиры на стиховне

Предпразднство Рождества Христова на 3

Канонарх: Глас 1, Дары Тебе приносяще, Сыне

Дары Тебе приносяще, Сыне,/ царие приидоша восточнии,/ царя Тя уведевше родитися,/ ливан, и смирну, и злато,/ и се стоят пред дверьми./ Сим повели видети Тя, Младенца,/ на руку Мою держима,// древняго Адама старейша.

Стих: Бог от юга придет /

и Святой из горы приосененныя чащи.

Приидите, внидите со тцанием,/ Дева рече древле волхвом,/ и видите Невидимаго,/ видима явльшася и Младенца бывша./ Они же со усердием внидоша, и поклоншася,/ и дары принесоша,// пророчество Божественное исполнивше.

Стих: Господи, услышах слух Твой и убояхся; /

6 января, предпразд Рождества Христова. Прмц. Евгения Римская

Господи, разумех делá Твоя и ужасóхся.

Ношú Тя яко Младенца рука́ми,/ всяческая носящаго,/ и удивляюся, глаго́лаше Нескусобра́чная:/ како́ Тя млеко́м воспита́ю,/ пита́ющаго вся, Сы́не Мой и Тво́рче Мой?/ Сла́влю Твоё безме́рное к челове́ком снизше́ствие,// и́мже спаса́еши мир погиба́ющий.

Слава и ныне, глас 6: Сла́ва Отцу́, и Сы́ну, и Свято́му Ду́ху.

и ны́не, и пр́сно, и во ве́ки веко́в. Ами́нь.

Сио́не, торжеству́й,/ Иерусали́ме, весели́ся,/ гра́де Христа́ Бо́га,/ поды́ми Зижди́теля, в верте́пе и я́слех вмеща́емаго,/ отве́рзите мне врата́/ и, вшед в ня, узрю́ яко́ Младенца, пелена́ми, повива́емаго,/ длáнию же содержа́щаго тварь,/ Его́же пою́т А́нгели непреста́нным гласом,/ Жизнода́вца Господа́,// спаса́ющаго род наш.

Молитва святого Симеона Богоприимца

Чтец: Ны́не отпу́щаеши раба́ Твоего́, Влады́ко, / по глаго́лу Твоему́ с ми́ром: / яко́ видеста́ о́чи мои́ спасе́ние Твоё, / е́же еси́ угото́вал пред ли́цем всех люде́й, / свет во открове́ние язы́ков, / и сла́ву люде́й Твои́х Изра́иля.

Святы́й Бо́же, Святы́й Кре́пкий, Святы́й Безсме́ртный, поми́луй нас **(трижды)**.

Сла́ва Отцу́ и Сы́ну и Свято́му Ду́ху, и ны́не и пр́сно и во ве́ки веко́в. Ами́нь.

Пресвята́я Трóице, поми́луй нас; Господи́, очисти́ грехи́ на́ша; Влады́ко, прости́ беззакóния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Господи́, поми́луй **(трижды)**.

Сла́ва Отцу́ и Сы́ну и Свято́му Ду́ху, и ны́не и пр́сно и во ве́ки веко́в. Ами́нь.

6 января, предпразд Рождества Христова. Прмц. Евгения Римская

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Лик: Аминь.

Тропари

Тропарь навечерия Рождества Христова, глас 4.

Написовашеся иногда со старцем Иосифом, / яко от семени Давидова, в Вифлееме Мариам, / чревоносящи безсеменное Рождение. / Наста же время рождества, / и место ни единоеже бе обиталищу, / но, якоже красная палата, / вертеп Царице показашеся. // Христос раждается прежде падший воскресити образ.

Сугубая ектения

Диакон: Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй (трижды).

Диакон: Еще молимся о Великом Господине и Отце нашем Святейшем Патриархе Кирилле, и всей во Христе братии нашей.

Лик: Господи, помилуй (трижды). (на каждое прошение)

Священник: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Диакон: Премудрость.

Лик: Благослови.

Священник: Сый благословен Христос Бог наш, всегда, ныне и присно и во веки веков.

6 января, предпразд Рождества Христова. Прмц. Евгения Римская

Лик: Амѣнь. Утверди́, Бо́же,/ святу́ю правосла́вную ве́ру,
правосла́вных христиа́н/ во век ве́ка.

Священник: Пресвятáя Богородице, спаси́ нас.

Лик: Честнѣйшую Херувѣм и сла́внейшую без сравнѣния
Серафѣм, без ислѣния Бо́га Сло́ва рождшую, сущую
Богородицу Тя велича́ем.

Священник: Сла́ва Тебѣ, Христѣ Бо́же, упова́ние на́ше, сла́ва Тебѣ.

Лик: Сла́ва Отцу́ и Сы́ну и Свято́му Ду́ху, и ны́не и прѣсно и
во ве́ки веко́в. Амѣнь. Го́споди, помѣлуй (*трижды*). Благо-
словѣ. (илиВлыдыко, благослови)

Священник глаголет Отпуст

Христосъ Истинный Бог наш, моли́твами Пречѣстныя Своея́ Ма́тере,
предста́тельствы честныхъ Небѣсныхъ Силъ Безплотныхъ: святыхъ сла́вныхъ и
всехва́льных Апосто́л, свт. Николая, архиепископа Мир Ликийскихъ,
Чудотворца, прор. Авваку́ма, святыхъ пра́ведныхъ Богооте́цъ Иоакима и А́нны, и
всехъ святыхъ, помѣлуе́т и спасе́т нас, я́ко Благъ и Человеколю́бецъ.

Многолетие

Лик: Вели́каго господѣна и отца́ на́шего Кири́лла,/
Святѣйшаго Патриа́рха Моско́вскаго и всея́ Ру́си,/
богохрани́мую страну́ на́шу Росси́йскую,/ настоя́теля,
бра́тию и прихо́жанъ свята́го хра́ма сего́,/ и вся
правосла́вныя христиа́ны,// Го́споди, сохрани́ их на
мно́гая ле́та.